

"Қазақстан Республикасының кейбір заңнамалық актілеріне көші-қон мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы туралы

Қазақстан Республикасы Үкіметінің 2006 жылғы 29 тамыздағы N 827 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Қазақстан Республикасының кейбір заңнамалық актілеріне көші-қон мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

*Қ а з а қ с т а н Р е с п у б л и к а с ы
П р е м ь е р - М и н и с т р і н і ң*

міндетін атқарушы

Жоба

Қазақстан Республикасының Заңы

Қазақстан Республикасының кейбір заңнамалық актілеріне көші-қон мәселелері бойынша өзгерістер мен толықтырулар енгізу туралы

1-бап. Қазақстан Республикасының кейбір заңнамалық актілеріне мынадай өзгерістер мен толықтырулар енгізілсін:

1. "Әкімшілік құқық бұзушылықтар туралы" 2001 жылғы 30 қаңтардағы Қазақстан Республикасының Кодексіне (Қазақстан Республикасы Парламентінің Жаршысы, 2001 ж., N 5-6, 24-құжат; N 17-18, 241-құжат; N 21-22, 281-құжат; 2002 ж., N 4, 33-құжат; N 17, 155-құжат; 2003 ж., N 1-2, 3-құжат; N 4, 25-құжат; N 5, 30-құжат; N 11, 56, 64, 68-құжаттар; N 14, 109-құжат; N 15, 122, 139-құжаттар; N 18, 142-құжат; N 21-22, 160-құжат; N 23, 171-құжат; 2004 ж., N 6, 42-құжат; N 10, 55-құжат; N 15, 86-құжат; N 17, 97-құжат; N 23, 139, 140-құжаттар; N 24, 153-құжат; 2005 ж., N 5, 5-құжат; N 7-8, 19-құжат; N 9, 26-құжат; N 13, 53-құжат; N 14, 58-құжат; N 17-18, 72-құжат; N 21-22, 86, 87-құжаттар; N 23, 104-құжат; 2006 ж., N 1, 5-құжат; N 2, 19, 20-құжаттар; N 3, 22-құжаттар; N 5-6, 31-құжат; N 8, 45-құжат; N 10, 52-құжат; 2006 жылғы 11 шілдеде "Егемен Қазақстан" және 2006 жылғы 8 шілдеде "Казахстанская правда" газеттерінде жарияланған "Қазақстан Республикасының кейбір заңнамалық актілеріне сот сараптамасы мәселелері бойынша өзгерістер мен толықтырулар енгізу туралы" 2006 жылғы 4 шілдедегі Қазақстан Республикасының Заңы, 2006 жылғы 11 шілдеде "Егемен Қазақстан" және 2006 жылғы 11 шілдеде "Казахстанская правда" газеттерінде жарияланған "Қазақстан Республикасының кейбір заңнамалық актілеріне бұқаралық ақпарат құралдары мәселелері бойынша өзгерістер мен толықтырулар енгізу туралы"

2006 жылғы 5 шілдедегі Қазақстан Республикасының Заңы, 2006 жылғы 18 шілдеде "Егемен Қазақстан" және 2006 жылғы 18 шілдеде "Казахстанская правда" газеттерінде жарияланған "Қазақстан Республикасының кейбір заңнамалық актілеріне өзара сақтандыру мәселелері бойынша өзгерістер мен толықтырулар енгізу туралы" 2006 жылғы 5 шілдедегі Қазақстан Республикасының Заңы, 2006 жылғы 11 шілдеде "Егемен Қазақстан" және 2006 жылғы 11 шілдеде "Казахстанская правда" газеттерінде жарияланған "Қазақстан Республикасының кейбір заңнамалық актілерге Қазақстан Республикасының бюджет заңнамасын жетілдіру және Қазақстан Республикасы Ұлттық Банкі қызметінің мәселелері бойынша өзгерістер мен толықтырулар енгізу туралы" 2006 жылғы 5 шілдедегі Қазақстан Республикасының Заңы, 2006 жылғы 14 шілдеде "Егемен Қазақстан" және 2006 жылғы 14 шілдеде "Казахстанская правда" газеттерінде жарияланған "Қазақстан Республикасының кейбір заңнамалық актілеріне денсаулық сақтау мәселелері бойынша өзгерістер мен толықтырулар енгізу туралы" 2006 жылғы 7 шілдедегі Қазақстан Республикасының Заңы, 2006 жылғы 18 шілдеде "Егемен Қазақстан" және 2006 жылғы 18 шілдеде "Казахстанская правда" газеттерінде жарияланған "Қазақстан Республикасының кейбір заңнамалық актілеріне тиісті тауар нарығында үстем жағдайға ие табиғи монополия субъектілері мен нарық субъектілерінің қызметін бақылау және реттеу мәселелері бойынша өзгерістер мен толықтырулар енгізу туралы" 2006 жылғы 7 шілдедегі Қазақстан Республикасының Заңы):

1) 396-бап мынадай редакцияда жазылсын:

"396-бап. Қазақстан Республикасында шетелдік жұмыс күшін тарту мен пайдалану ережелерін бұзу

1. Жұмыс берушінің Қазақстан Республикасында шетелдік жұмыс күшін тарту мен пайдалану ережелерін бұзуы не Қазақстан Республикасының аумағына заңсыз келген шетелдіктер мен азаматтығы жоқ адамдарды жұмысқа қабылдауы немесе еңбегін пайдалануы, сондай-ақ лауазымды адамдардың заңсыз иммигранттарға қатысты нотариалдық немесе қандай да бір өзге де заңдық (құқық туғызушылық) іс-әрекеттер ж а с а у ы -

жеке тұлғаларға - айлық есептік көрсеткіштің оннан жиырмаға дейінгі мөлшерінде, лауазымды адамдарға, жеке кәсіпкерлерге, шағын немесе орта кәсіпкерлік субъектілері болып табылатын немесе коммерциялық емес ұйымдар болып табылатын заңды тұлғаларға - жиырмадан жүзге дейінгі мөлшерінде, ірі кәсіпкерлік субъектілері болып табылатын заңды тұлғаларға - үш жүзден бес жүзге дейінгі мөлшерінде айыппұл салуға ә к е п с о ғ а д ы .

2. Шетелдіктің немесе азаматтығы жоқ адамның Қазақстан Республикасындағы еңбек қызметі Қазақстан Республикасында шетелдік жұмыс күшін тарту мен пайдалану ережесін бұзушылықтармен жүзеге асыруы, -

Қазақстан Республикасының аумағынан әкімшілік жолмен шығарып жібере отырып

, айлық есептік көрсеткіштің жиырмадан жиырма беске дейінгі мөлшерінде айыппұл салуға не он бес тәулікке дейін әкімшілік тұтқындауға әкеп соғады.";

2) 397-бап алынып тасталсын;

3) 398-бап мынадай редакцияда жазылсын:

"398-бап. Босқынның тұру ережелерін бұзуы

Босқынның тегі, аты, отбасылық жағдайы, отбасы құрамының өзгергені туралы, сондай-ақ Қазақстан Республикасының немесе өзге мемлекеттің азаматтығын алғандығы туралы көші-қон жөніндегі органға хабарламауы, - ескерту жасауға немесе айлық есептік көрсеткіштің үштен беске дейінгі мөлшерінде айыппұл салуға әкеп соғады.";

4) 541-баптың бірінші бөлігіндегі "397," деген сандар алынып тасталсын;

5) 552-баптың бірінші бөлігіндегі "396 (бірінші бөлігінде)," деген сөздер алынып тасталсын;

6) 636-баптың бірінші бөлігінің 1) тармақшасында: бірінші абзац "394 (екінші бөлігінде)," деген сөздерден кейін "396 (екінші бөлігінде)," деген сөздермен толықтырылсын;

он үшінші абзац "Көші-қон және демография жөніндегі органдардың (396 (екінші бөлігі), 397-баптар);" алынып тасталсын;

отызыншы абзацтағы "396 (екінші бөлігі)," деген сөздер алынып тасталсын;

7) 730-баптың 2) тармақшасындағы "және 397-" деген сөздер алынып тасталсын.

2. "Тұрғын үй қатынастары туралы" 1997 жылғы 16 сәуірдегі Қазақстан Республикасының Заңына (Қазақстан Республикасы Парламентінің Жаршысы, 1997 ж., N 8, 84-құжат; 1999 ж., N 13, 431-құжат; N 23, 921-құжат; 2001 ж., N 15-16, 228-құжат; 2002 ж., N 6, 71-құжат; 2003 ж., N 11, 67-құжат; 2004 ж., N 14, 82-құжат; N 17, 101-құжат; N 23, 142-құжат):

1) 2-баптың отызыншы абзацы алынып тасталсын;

2) 68-баптың 7) тармақшасы мынадай редакцияда жазылсын:
"7) оралмандар;".

3. "Халықтың көші-қоны туралы" 1997 жылғы 13 желтоқсандағы Қазақстан Республикасының Заңына (Қазақстан Республикасы Парламентінің Жаршысы, 1997 ж., N 24, 341-құжат; 2001 ж., N 8, 50-құжат; N 21-22, 285-құжат; N 24, 338-құжат; 2002 ж., N 6, 76-құжат; 2004 ж., N 23, 142-құжат):

1) 1 - б а п т а :

мынадай мазмұндағы 1-1) тармақшамен толықтырылсын:

"1-1) бейімдеу қызметтері - оралмандар мен олардың отбасы мүшелеріне оралмандарды бейімдеу мен кіріктіру орталығында көрсетілетін, құқықтық консультацияны, мемлекеттік және орыс тілдерін оқытуды, кәсіптік даярлау мен қайта даярлауды және біліктілігін арттыруды қамтитын қызметтер кешені;"

5) тармақша алынып тасталсын;

6) тармақша мынадай редакцияда жазылсын:

"6) оралмандардың көшіп келу квотасы - Қазақстан Республикасының Президенті белгілейтін, осы Заңға сәйкес жеңілдіктермен, өтемақылармен және біржолғы жәрдемақылармен қамтамасыз етілетін оралмандар отбасының саны;"

12) тармақша алынып тасталсын;

15) тармақша мынадай редакцияда жазылсын:

"15) халықтың көші-қоны мәселелері жөніндегі уәкілетті орган - көші-қон процестерін реттеуді және халықтың көші-қоны саласындағы жұмысты үйлестіруді өз құзыреті шегінде жүзеге асыратын мемлекеттік орган (бұдан әрі - уәкілетті орган);"

мынадай мазмұндағы 16-1) тармақшамен толықтырылсын:

"16-1) оралмандарды бейімдеу мен кіріктіру орталығы - оралмандар отбасыларының уақытша тұруына және оларға бейімделу қызметтерін көрсетуге арналған орын;"

2) 7-баптың екінші бөлігіндегі "уәкілетті органның" деген сөздер "Қазақстан Республикасының жергілікті атқарушы органдарының" деген сөздермен ауыстырылсын;

3) 9-бап мынадай редакцияда жазылсын:

"9-бап. Оралмандардың көшіп келу квотасын белгілеу

1. Қазақстан Республикасының Президенті Қазақстан Республикасы Үкіметінің ұсынуы бойынша оралмандардың алдағы жылға және (немесе) перспективаға арналған көшіп келу квотасын белгілейді.

2. Қазақстан Республикасының Үкіметі оралмандардың көшіп келу квотасын уәкілетті органның және жергілікті атқарушы органдардың ұсыныстарын ескере отырып, облыстар (республикалық маңызы бар қала, астана) бойынша таратып бөледі."

4) 14-бап мынадай редакцияда жазылсын:

"14-бап. Оралман мәртебесін беру және оралмандардың көшіп келу квотасына е н г і з у

1. Оралман мәртебесін беру және/немесе оралмандардың көшіп келу квотасына енгізу туралы өтініштерді отбасының кәмебетке толған мүшелерінің бірі тікелей өзі немесе уәкілетті өкіл арқылы уәкілетті органға береді.

2. Оралман мәртебесін беру және/немесе оралманның отбасын оралмандардың көшіп келу квотасына енгізу туралы өтінішті қарауды, сондай-ақ осы мәселелер бойынша шешім қабылдауды уәкілетті органның аумақтық органы аумақтық органда тіркелген күнінен бастап екі ай ішінде жүзеге асырады.

Оралман мәртебесін беру өтініш берушілер осы Заңның 1-бабының 11) тармақшасында белгіленген талаптарға сәйкес болған жағдайда жүзеге асырылады.

Оралмандардың көшіп келу квотасына енгізу өлшемдерді ескере отырып және Қазақстан Республикасының Үкіметі белгілеген тәртіппен жүзеге асырылады.

Оралман отбасының Қазақстан Республикасының азаматтары болып табылатын мүшелері оралмандардың көшіп келу квотасына енгізілмейді.

3. Оралмандарға уәкілетті орган белгілеген нысан бойынша куәлік беріледі. Оралманның куәлігі қатаң есептілік құжаты болып табылады және оның мәртебесін растауға негіздеме болады.

4. Оралман мәртебесі ол Қазақстан Республикасының азаматтығын алғаннан кейін тоқтатылады.

5. Аумақтық органдардың шешімдеріне уәкілетті органға немесе сотқа Қазақстан Республикасының заңнамасында белгіленген тәртіппен шағымдануға болады.";

5) 15-бап мынадай редакцияда жазылсын:

"15-бап. Оралмандардың, олардың отбасы мүшелерінің құқықтары мен міндеттері

1. Оралмандардың жеңілдіктерді, өтемақыларды, біржолғы жәрдемақыларды және атаулы көмектің Қазақстан Республикасының заңдарында белгіленген басқа да түрлерін алуға құқығы бар.

Осы Заңның 29-4-бабында көзделген жеңілдіктерді, өтемақылар мен біржолғы жәрдемақыларды қоспағанда, жеңілдіктерді, өтем ақыларды, біржолғы жәрдемақыларды және атаулы көмектің басқа да түрлерін алу құқығы оралмандардың Қазақстан Республикасының азаматтығын алуына қарамастан, оралман мәртебесі берілген күнінен бастап үш жыл бойы сақталады.

2. Оралмандар мен олардың отбасы мүшелері:

1) уәкілетті органның аумақтық органына өздеріне оралман мәртебесін беру және/немесе оралмандардың көшіп келу квотасына енгізу туралы өтініштерін қарауға қажетті отбасының барлық мүшелеріне дұрыс мәліметтерді ұсынуға;

2) денсаулық сақтау органдарының талабы бойынша медициналық тексеруден өтуге, екпелер, ем қабылдауға, сондай-ақ денсаулық сақтау органдарының ұйғарымдарын орындауға;

3) оралмандарды бейімдеу мен кіріктіру орталықтарына жолдама алған кезде үш күннің ішінде сонда қоныстануға және оралмандарды бейімдеу мен кіріктіру орталықтарында болудың белгіленген кезеңі аяқталғаннан кейін өздеріне берілген үй-жайды босатуға;

4) уақытша орналастыру орталығында және оралмандарды бейімдеу мен кіріктіру орталықтарында болудың белгіленген тәртібін сақтауға міндетті.";

б) мынадай мазмұндағы 15-1-баппен толықтырылсын:

"15-1-бап. Оралмандарды бейімдеу мен кіріктіру орталығы

Оралмандарды бейімдеу мен кіріктіру орталығы мемлекеттік мекеме нысанында құрылады.

Оралмандар мен олардың отбасы мүшелерінің оралмандарды бейімдеу мен кіріктіру орталығында болу және оларға бейімдеу қызметтерін көрсету тәртібін уәкілетті орган айқындайды.";

7) 27-бап мынадай редакцияда жазылсын:

"27-бап. Оралман отбасының оралмандардың көшіп келу квотасына енгізілетін мүшелері

Оралмандардың көшіп келу квотасына оралман отбасының мына мүшелері:

к ү й е у і (ә й е л і) ;

а т а - а н а с ы ;

балалары (оның ішінде асырап алған);

отбасы жоқ және оралманмен бірге тұратын бір ата-анадан туған және бір ата-анадан тумаған аға-інілері мен апа-сіңлілері енгізіледі.";

8) 4-1-тараудың тақырыбына:

"Оралмандарға деген сөзден кейін ", олардың отбасы мүшелеріне" деген сөздермен толықтырылсын ;

"өтемақылар" деген сөзден кейін ", жәрдемақылар" деген сөзбен толықтырылсын;

9) 29-4-бап мынадай редакцияда жазылсын:

"29-4-бап. Оралмандардың көшіп келу квотасы бойынша келген оралмандарға және олардың отбасы мүшелеріне берілетін қосымша жеңілдіктер, өтемақылар мен біржолғы жәрдемақылар

Мемлекет оралмандардың көшіп келу квотасы бойынша келген оралмандар мен олардың отбасы мүшелерін осы Заңның 29-2 және 29-3-баптарында көзделген жеңілдіктерден, өтемақылардан, біржолғы жәрдемақылардан және атаулы көмектің басқа да түрлерінен басқа:

1) кеден істері мәселелері жөніндегі уәкілетті орган:

шекара арқылы кеден төлемдерін алмай өткізуді;

2) халықтың көші-қоны мәселелері жөніндегі уәкілетті орган:

тұрақты тұратын жеріне жол жүру және мүлкін (оның ішінде малын) жеткізу жөніндегі шығыстарды өтеуді;

тұрғын үй сатып алуға қаражат бөлуді;

біржолғы жәрдемақы төлеуді қамтамасыз етеді.

Оралмандарға тұрақты тұратын жеріне жол жүру және мүлкін (оның ішінде малын) жеткізу жөніндегі шығыстарды өтеу, тұрғын үй сатып алуға қаражат бөлу және біржолғы жәрдемақы төлеу тәртібін Қазақстан Республикасының Үкіметі белгілейді.";

10) 34-бап мынадай редакцияда жазылсын:

"34-бап. Уәкілетті органның құзыреті

У ә к і л е т т і о р г а н :

1) Республикадағы көші-қон процестерін талдайды және оған болжам жасайды;

- 2) халықтың көші-қонын реттеу жөніндегі шаралар туралы ұсыныстар әзірлейді;
- 3) халықтың көші-қоны мәселелері жөніндегі бағдарламалық іс-шараларды және нормативтік актілерді әзірлейді және жүзеге асырады;
- 4) көші-қон мәселелері жөніндегі жұмысты үйлестіреді;
- 5) оралмандардың көшіп келу квотасын қалыптастыру жөнінде ұсыныстар әзірлейді ;

6) оралман және босқын мәртебесін беру тәртібін айқындайды;

7) оралмандар мен олардың отбасы мүшелерінің уақытша орналастыру орталығында болу тәртібін белгілейді;

8) оралмандар мен олардың отбасы мүшелерінің оралмандарды бейімдеу мен кіріктіру орталығында болу және оларға бейімдеу қызметтерін көрсету тәртібін белгілейді ;

9) келген оралмандар мен босқындарды тіркеуді, есепке алуды жүзеге асырады;

10) оралмандардың көшіп келу квотасы бойынша келген оралмандарға және олардың отбасы мүшелеріне біржолғы жәрдемақылар мен өтемақылар төлеуді жүзеге асырады ;

11) уәкілетті органның аумақтық органдарының босқын, оралман мәртебесін беруден және оралмандардың көшіп келу квотасына енгізуден бас тартуы туралы шағымдар бойынша шешім қабылдайды."

4. "Халықты жұмыспен қамту туралы" 2001 жылғы 23 қаңтардағы Қазақстан Республикасының Заңына (Қазақстан Республикасы Парламентінің Жаршысы, 2001 ж., N 3, 18-құжат; 2004 ж., N 2, 10-құжат; 2005 ж., N 7-8, 19-құжат; N 17-18, 76-құжат; 2006 ж., N 3, 22-құжат; N 10, 52-құжат):

1) 10-баптың 4-тармағында :

екінші бөліктегі "немесе сақтандыру ұйымдарына жұмыскердің атына кепілді және кепілзат қойылған жарналар" деген сөздер "жұмыскердің атына кепілді жарна" деген сөздермен ауыстырылсын ;

үшінші бөліктегі "және кепілзат қойылған жарналарды" деген сөздер "жарнаны Қазақстан Республикасының банктеріне" деген сөздермен ауыстырылсын;

2) 11-баптың 2-тармағындағы "шегінде" деген сөзден кейін "Қазақстан Республикасының Үкіметі белгілейтін адамдарды қоспағанда," деген сөздермен толықтырылсын;

3) 15-баптың 5-тармағындағы "қызметтері" деген сөз "органдары" деген сөзбен ауыстырылсын;

4) 21-баптың 3-тармағындағы "көші-қон қызметтері" деген сөздер "ішкі істер" деген сөздермен ауыстырылсын.

2-бап. Осы Заң ресми жарияланған күнінен бастап он күнтізбелік күн өткеннен кейін қолданысқа енгізіледі.

